



Kris Solano, Amaia Oreja, Maixa Lizarribar eta Alaitz Telletxea, Gurutzeta sagardotegian, joan den urtarilaren 12an. Argazkia: Sagardoaren Lurraldea

Hasi da Astigarragako txotx denboraldi

AMAK TALDEKO ALAITZ TELLETXEA, MAIXA LIZARRIBAR, AMAIA OREJA ETA KRIS SOLANO IZAN DIRA XXIX. SAGARDO BERRIAREN EGUNAREN PROTAGONISTAK

Oihana Prado

Atxurra eskuan. Halaxe ekin zioten joan den urtarilaren 12an Amak taldeko kideek txotx bolada irekitzeko ekitaldiari. Izan ere, urtero bezala, eguneko protagonistek Astigarragako Sagardotegia sagastian sagarrondo berri bat landatu zuten eta ondoren etorriko zen unerik garrantzitsuena. Txalaparta doinuaren artean egin zieten harrera Gurutzeta sagardotegian, non "Gure sagardo berria!" oihukatu ondoren, musikariek lehen kupeleko

sagardoa dastatu zuten. Amak taldeko kideek esandakoaren arabera, "sagardotegiek trikitilariekin beti izan dute lotura estua eta guretzako Sagardo Berriaren Eguneako gonbidatuak izatea futbolari batentzat urrezko baloia irabaztearen parekoa da".

Sagardoaren Lurraldeak antolatutako ekitaldian Aintzane Barandiaran (Astigarragako alkateordea), Jesus Garcia de Cos (Jaurilaritzako Turismo eta Merkataritzako sailburuordea), Iker Goiria (Aldundiko Turismo zuzendaria), Xabier Arruti (Aldundiko Nekazaritza eta Landa Garapeneko zuzendaria), Raul Perez

Amak taldea: "Sagardo Berriaren Eguneako gonbidatuak izatea futbolari batentzat urrezko baloia irabaztearen parekoa da"

(Elikagaien kalitate eta Industriako zuzendaria), Unai Agirre (Euskal Sagardoa Jatorri Izendapeneko zuzendaria), Ion Zapiain (Sagardoaren Lurraldeko sagardogileen bozeramailea) eta Joxe Angel Gofii (Gurutzeta sagardotegiko arduraduna) ere egon ziren.

Aintzane Barandiaran alkateordeak "sagardogileek urte berezi honetan egindako lana eskertu eta sagardo denboraldiak herriari egiten dion onura" azpimarratu ditu, "herriko taberna, jatetxe, ostatu, komertzio nahiz Sagardotegia berari egiten dion ekarpena" goraipatuz. Izan ere,

"sagardogintza herriaren parte da, gure ondarea da"

Uzta historikoa

2021eko uzta erekin 9,5 milioi inguru sagardo ekoiztu dira Herrian. Aurtengoa, izan ere, handiena izan da Euskal Sagardotegia Jatorri Deituraren arabera 12 litro Euskal Sagardo egin dira. 5 milioi kilo sagar beldu dira rri Deiturako 250 sagardotegian. Sagardoak Gipuzkoa, Bizkaia



DASTATU UZTA BERRIA

*Aurten ostiral eguerditan
ere irekita*

TOLOSATIK AUTOBUSA



ISASTEGI
~ SAGARDOTEGIA ~

ALDABA TXIKI AUZO-A-TOLOSA (GIPUZKOA) TEL: 943 65 29 64 ISASTEGI.COM



Oiharte

SAGARDOTEGIA www.oiharte.com

Inukarate-gain auzoa · Zerain · T 686 299 158 · 690 793 507

“Espero ez genituen gauza on asko gertatu zaizkigu Amak taldea sortu dugunetik”

Maixa Lizarribar MUSIKARIA

© Oihana Prado

ASTIGARRAGA - “Gurpila berriz dabil bueltara”, ondorioztatu du Maixa Lizarribarrek (Altzo, 1971). Izan ere, 90eko hamarkadan Maixa ta Ixiar taldearekin Euskal Herriko plazak dantzan jarri ondoren, arrakasta ezustean etorri zaio berriro Amak musika laukotearen eskutik. Trikitixaren munduan eskarmentu handia duten lau emakumek osatzen dute Amak Alaitz Tellebexea, Maixa Lizarribar, Amaia Oreja eta Kris Solano. Kasualitateak elkartu omen zituen, 2018ko Oñatiko Trikitixa Jaialdian elkarrekin jotzeko aukera izan zutenean. Geroztik, emanaldiak, kolaborazioak eta izen bereko lehen diskoa, *Amak*, etorri dira, besteak beste. Baita XXIX. Sagardo Berriaren Egunaren protagonista izateko gonbidapena ere.

Pozik hartu zenuten Astigarragako txotx bolada irekitzeko proposamena?

Sorpresa eta ilusio handiz hartu dugu. Egia esan, proposamena jaso genuenean sinistu ezinik geunden. Egun handia da sagardozale guztiontzat eta gainera, gure etxean oso sagardozaleak izanik, urtero gertutik jarraitzen dugun festa da. Ohore handia izan da.

Sagardotegira joateko asmoa duzue?

Pandemiak dena hankaz gora jarri du, baina pandemiak jo baino lehen, gure etxean sagardotegira maiz joateko ohitura genuen. Inauterien bueltan ekiten diogu sagardotegi garaiari, eta ia astero joaten gara. Hori bai, sagardotegira astean zehar joaten garen horietakoak gara, jende gutxiago biltzen denean.

Amak musika taldeko kide zara. Nola sortu zen Amak?

Bakoitzak bere ibilbidea izan du musikaren munduan. Elkar ezagutzen genuen, baina aspaldian ez genuen batak bestearen berri. 2018. urtean, Oñatiko Trikitixa Jaialdiaren 10. urteurrena ospatu zen eta gutako bakoitzak bertan parte hartzeko gonbidapena jaso genuen. 10. urteurrena izanik, zerbait berezia egin nahi zuten antolatzaileek eta batera jotzeko proposamena egin



Maixa Lizarribar.
Argazkia: Arri Studioa

“Diskoa Xabi Solanoren etxean grabatzeko aukera izan genuen eta prozesua oso eroso izan zen; gauzak ondo ateratzen ziren, zantzak gehiegi izan gabe”

zigiten, Hiru pieza prestatu genituen eta oso ondo sentitu ginen. Hustu egin ginen. Hain gustura aritu ginen, emanaldi eta eskaera gehiago etorri zirena. Amak bezala eskaini genuen lehen emanaldia Oñartzunen izan zen, 2019. urtearen amaieran. Hor hasi zen gure abentura, eta hortik aurrera espero ez genituen gauza on asko gertatu zaizkigu. Proiektu berri pilo bat etorri dira: emanaldiak, kolaborazioak... Gurpila berriz dabil bueltara.

Eskarmentu handiko musikariak zarete denak, baina, orain arte, bikoteka aritu zarete. Ondo moldatzen zarete laukotean?

Bikote bezala aritu gara, ni Ixiarrekin, Alaitzen kasuan Maiderrekin, eta Kris Amaiarekin, baina bikotea izateaz gainera, banda bat genuen atzean, eta orain laurok gure banda propioa osatu dugu. Ezberdina da.

2021. urtean ‘Amak’ izen bereko diskoa etorri zen. Nolako da?

Kariño askorekin osatutako lana da. Denbora gutxian prestatu genuen. 2020ko martxoan, exera bidali gintuztenean, udaberrirako antolatuta genituen emanaldi guztiak bertan behera geratu zitzaizkigun. Urrian hasi ginen kontzertuak egiten eta hor ere kantuak sortzen hasi ginen. Diskoa 2021eko otsailean grabatu genuen, beraz, prozesua oso azkarra izan zen, baina aldi berean ilusio eta gogo handiko momentua izan zen.

Xabi Solanoren etxean grabatu duzue diskoa. Nolako izan da esperientzia?

Sekula sentitu ez naizen bezala sentitu nintzen, nahiz eta denbora gutxi izan, prozesua oso eroso izan zen. Etxean bezala sentitu ginen. Dena erraza zen, kantuen grabaketa, argazkiak, eta abar. Zantzak gehiegi izan gabe gauzak ondo ateratzen ziren.

Nola aurreikusten duzue 2022. urtea?

Udazkenean kontzertu bakarra suspenditu zaigu, Esne Beltzarekin genuena, eta otsailera begira kontzertu hori aurrera ateratzeko asmoa dugu. Martxoan ere kontzertu gehiago etorriko dira. ●

Ogi on batek
plater on bat hobetzen du.

Un buen pan
mejora un buen plato.



www.ogiberri.com